



Adresa: **Ul. H. Čemerlića 39a**
71000 Sarajevo
<http://www.voda.ba>

tel. +387 33 726 410
fax. +387 33 726 423
e – mail: info@voda.ba

Broj: **UP-1/21-1-40-269-7/25**

Datum: **22.09.2025. godine**

„Agencija za vodno područje rijeke Save“ Sarajevo rješavajući po zahtjevu pravnog lica JP „Elektroprivreda BH“ d.d. Sarajevo, podružnica „Elektrodistribucija“ Tuzla, za izdavanje prethodne vodne saglasnosti za izgradnju 10 (20) kV kablova TS 35/10 (20) kV Tinja-TS 10(20)/0,4 kV staklomont i TS 10 (20)/0,4kV Donji Potpeć-Asfaltna baza u dijelu trase kroz vodno dobro i preko vodotoka rijeke Tinja u Srebreniku, na osnovu člana 109. stav (1) tačka 10. a u vezi sa članom 12. stav 1. tačka (1) Zakona o vodama („Službene novine Federacije BiH“, broj 70/06) i člana 200. stav (1) Zakona o upravnom postupku („Službene novine Federacije BiH“, broj 2/98, 48/99 i 61/22), **donosi:**

R J E Š E N J E **o prethodnoj vodnoj saglasnosti**

1. Daje se prethodna vodna saglasnost pravnom licu JP „Elektroprivreda BH“ d.d. Sarajevo, podružnica „Elektrodistribucija“ Tuzla, za izgradnju 10 (20) kV kablova TS 35/10 (20) kV Tinja-TS 10(20)/0,4 kV Staklomont i TS 10 (20)/0,4kV Donji Potpeć-Asfaltna baza, koji se gradi u svrhu napajanja postojeće transformatorske stanice TS 10(20)/0,4 kV Staklomont i planirane transformatorske stanice TS 10 (20)/0,4kV Donji Potpeć-Asfaltna baza u dijelu trase kroz vodno dobro i preko vodotoka rijeke Tinja u Srebreniku a u postupku pribavljanja urbanističke saglasnosti.
2. Prethodna vodna saglasnost se daje na osnovu pregleda dokumentacije i pod slijedećim uslovima:
 - 2.1. Izraditi investiciono-tehničku dokumentaciju za transformatorske stanice i prelazak trase srednjenaponskog voda preko vodotoka i kroz vodno dobro rijeke Tinje na lokalitetu Staklomont i Donji Potpeć-Asfaltna baza, a sve u skladu s propisima za ovu vrstu radova, odnosno za izgradnju kroz vodno dobro i prelaz preko vodotoka rijeke Tinja. Investiciono-tehnička dokumentacija treba biti izrađena i revidovana od strane pravnih lica koja imaju ovlaštenja izdata od strane Federalnog ministarstva poljoprivrede, vodoprivrede i šumarstva (lista «A») a sve u skladu sa Pravilnikom o uslovima i kriterijima koje mora ispunjavati pravno lice za izradu dokumentacije na osnovu koje se izdaju vodni akti («Službene novine Federacije BiH», broj 17/08).
 - 2.2. Da se predmetna trasa priključnog 10(20) kV kabla, kao i postojeći mostovi preko rijeke Tinje na koje je planirano postavljanje priključnog kabla prikažu na snimljenoj situaciji odgovarajuće razmjere koja odražava trenutno stanje na terenu, sa prikazom udaljenosti planirane trase od korita rijeke Tinje, postojećih i planiranih hidrotehničkih objekata ukoliko se takvi nalaze u pojasu polaganja kabla i mjestu prelaza kabla preko rijeke Tinje (zaštitni vodoprivredni objekti, objekti lokalnog vodovoda, kanalizacionog sistema i sl.) te sagledati sve moguće neželjene uticaje na režim površinskih voda, objekte i postrojenja, stečena prava korisnika, postojeću infrastrukturu, naselja i sl. te dati prijedlog mjera za uklanjanje odnosno sprječavanje tih uticaja.
 - 2.3. Projektnom dokumentacijom detaljno definisati i prikazati način postavljanja priključnog 10(20) kV kabla preko mostova i način zaštite istih.
 - 2.4. Prelaz priključnog 10(20) kV kabla preko mosta u riješiti polaganjem u zaštitnu cijev ugrađenu uz pridržavanje uslova nadležnog organa koji upravlja saobraćajnicom i mostom. Kota dna zaštitne cijevi ne smije prelaziti donju ivicu mostovske konstrukcije.
 - 2.5. Projektnom dokumentacijom jasno definirati trasu srednjenaponskog voda u odnosu na vodotok rijeke Tinje, s obzirom da je prelaz preko vodotoka i trasa srednjenaponskog voda planirana unutar linije vodnog dobra rijeke Tinje.

- 2.6. Sagledati sve moguće neželjene uticaje na režim površinskih i podzemnih voda, objekte i postrojenja, stečena prava korisnika, postojeću infrastrukturu, naselja i sl., te dati prijedlog mjera za uklanjanje, odnosno sprječavanje tih uticaja, linije dopiranja velikih stogodišnjih voda (1/100) ili isprojektovati mjere zaštite od štetnih posljedica od voda u protivnom sve posljedice će snositi podnosilac zahtjeva.
- 2.7. Projektnom dokumentacijom detaljno definisati i prikazati izgradnju transformatorskih stanica i način postavljanja srednjenaponskog voda preko rijeke Tinja i zaštita istog.
- 2.8. Projektnom dokumentacijom definirati organizaciju i tehnologiju izvođenja radova u koritu i obalnom pojasu rijeke Tinje, te definirati mjere koje je potrebno poduzeti u toku izvođenja radova kako ne bi došlo do erozivnih procesa u koritu i obalnom području rijeke, podlokavanja temelja stupova kao i negativnih uticaja na druge korisnike voda (vodoopskrbu, ribari itd).
- 2.9. Način ukrštanja srednjenaponskog voda sa postojećim vodovodnim i drugim instalacijama treba da se projektuje u skladu sa tehničkim propisima za ovu vrstu radova i prema uslovima i saglasnostima organizacije koja upravlja navedenim sistemom.
- 2.10. Pri izradi tehničke dokumentacije pridržavati se pravila struke i nauke te zakonske regulative vezane za ovakvu vrstu radova, te ekološko-ekonomskih zahtjeva.
3. Ovu prethodnu vodnu saglasnost će Investitor koristiti u postupku pribavljanja urbanističke saglasnosti i ona definiše sve uslove koje Investitor treba ispuniti u projektnoj dokumentaciji, u skladu sa Zakonom o vodama.
4. U postupku pribavljanja urbanističke saglasnosti i odobrenja za gradnju podnosilac zahtjeva će riješiti imovinsko-pravne odnose sa pravnim licem u čijoj je nadležnosti .
5. Nakon izrade projektne dokumentacije u skladu sa uslovima iz ovog dispozitiva, a prije pribavljanja odobrenja za građenje, Investitor je dužan zatražiti vodnu saglasnost na projektnu dokumentaciju, a sve u skladu sa Zakonom o vodama („Službene novine Federacije BiH”, broj 70/06) i Pravilnikom o sadržaju, obliku, uslovima, načinu izdavanja i čuvanja vodnih akata («Službene novine Federacije BiH», br. 31/15, 55/19, 41/20 i 63/22).
6. Uz zahtjev za izdavanje vodne saglasnosti za izgradnju 10 (20) kV kablova TS 35/10 (20) kV Tinja-TS 10(20)/0,4 kV Staklomont i TS 10 (20)/0,4kV Donji Potpeć-Asfaltna baza, pored investiciono-tehničke dokumentacije iz tačke 1. dispozitiva, Investitor treba dostaviti kopiju urbanističke saglasnosti, saglasnost nadležnog organa koji upravlja mostovima na koje se planira kačenje kablova, dokaz o uplaćenju upravnoj taksi u iznosu od 60,00 KM.
7. Prethodna vodna saglasnost se daje sa rokom važenja od tri (3) godine od dana pravosnažnosti ovog rješenja.

O b r a z l o ž e n j e

Pravno lice JP „Elektroprivreda BH“ d.d. Sarajevo, podružnica „Elektrodistribucija“ Tuzla, zahtjevom bez broja od 04.06.2025 godine, obratilo se ovoj Agenciji za izdavanje prethodne vodne saglasnosti za izgradnju 10 (20) kV kablova TS 35/10 (20) kV Tinja-TS 10(20)/0,4 kV Staklomont i TS 10 (20)/0,4kV Donji Potpeć-Asfaltna baza, koji se gradi u svrhu napajanja postojeće transformatorske stanice TS 10(20)/0,4 kV Staklomont i planirane transformatorske stanice TS 10 (20)/0,4kV Donji Potpeć-Asfaltna baza u dijelu trase kroz vodno dobro i preko vodotoka rijeke Tinja u Srebreniku a u postupku pribavljanja urbanističke saglasnosti.

Uz zahtjev investitor je dostavio slijedeće:

- Aktuelni izvod iz sudskog registra broj: 065-0-RegZ-24-005117, izdat dana 23.04.2024. godine od strane Općinskog suda u Sarajevu;
- Kopija uplatnice upravne pristojbe;
- „Studija za izdavanje prethodne vodne saglasnosti za izgradnju 10 (20) kV kablova TS 35/10 (20) kV Tinja-TS 10(20)/0,4 kV Staklomont i TS 10 (20)/0,4kV Donji Potpeć-Asfaltna baza, urađena od strane ovlaštenog pravnog lica JP „Spreča“ dd Tuzla, maj 2025. godine.

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u cilju utvrđivanja relevantnih činjenica u ovoj upravnoj stvari.

U skladu sa članom 124. stav (1) Zakona o vodama o zahtjevu je dana 12.09.2025. godine obaviještena javnost putem obavještenja na oglasnoj ploči «Agencije za vodno područje rijeke Save» Sarajevo i u dnevnom listu „Oslobođenje“ objavljenom dana 13/14.09.2025. godine. U datom roku nije bilo pisanih izjašnjenja o planiranim aktivnostima iz zahtjeva. Na osnovu objave, oglašavanja u dnevnom listu „Oslobođenje“ investitor je na osnovu Zaključka o visini i roku za plaćanje posebnih troškova broj: UP-1/21-1-40-269-6/25 od 17.09.2025 godine uplatio iznos po računu broj: 25-3600-00018 dostavljen od O Media d.o.o., za troškove obavještanja javnosti putem oglasa.

Na osnovu uvida u dostavljenu dokumentaciju utvrđeno je sljedeće:

- Svrha izgradnje kablova 10(20) kV je napajanje postojeće transformatorske stanice TS Staklomont i planirane TS Donji Potpeć-Asfaltna baza. Trasa kabla 1 se pruža od TS Tinja do TS Staklomont, dužine cca 3625m. Trasa kabla 2 se pruža od TS Staklomont do TS Donji Potpeć – Asfaltna baza, dužine cca 740m.
- Prelaz kabla preko rijeke Tinje će se izvesti zaštitnoj cijevi, kačenjem o konstrukciju mosta.

Nakon uvida u dostavljenu dokumentaciju konstatovano je da ne postoje smetnje da se Investitoru izda tražena prethodna vodna saglasnost uz propisane uslove koji se trebaju ispoštovati prilikom izrade projektne dokumentacije a koja je podnosiocu zahtjeva potrebna u postupku pribavljanja vodne saglasnosti i odobrenja za građenje definirane tačkom 2. ovog rješenja, a shodno odredbama člana 96. stav (1) tačka 16. i člana 128. Zakona o vodama („Službene novine Federacije BiH“, broj 70/06).

Uzimajući u obzir naprijed navedeno, a shodno odredbama člana 111. Zakona o vodama, te člana 5. Pravilnika o sadržaju, obliku, uslovima, načinu izdavanja i čuvanja vodnih akata, riješeno je kao u dispozitivu ovog rješenja.

Podnosilac zahtjeva je uplatio upravnu taksu u iznosu od 80,00 KM u skladu sa članom 7. stav 1. tarifni broj 43. Zakona o federalnim upravnim taksama («Službene novine F BiH», broj 6/98), te troškove oglašavanja u iznosu 170,24 KM u printanom mediju na nivou BiH.


UPUTA O PRAVNOM LIJEKU

Protiv ovog Rješenja može se uložiti žalba Federalnom ministarstvu poljoprivrede, vodoprivrede i šumarstva, u roku od 15 dana od dana prijema Rješenja.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Obrađivač akta: Behija Ahmedić, dipl.inž.tehn.

Po ovlaštenju
Rukovodilac sektora za izdavanje vodnih akata


Nihad Pezo, dipl.inž.građ.

Dostaviti:

- JP „Elektroprivreda BH“ d.d. Sarajevo, podružnica „Elektro distribucija“ Tuzla, Rudarska 38, Tuzla
- AVP Sava – ISV - Vodna knjiga
- Sektor 40 – Arhiva
- Oglasna ploča AVP - Sava